



---

Broj: 05/1-50-14-51-22/11  
Sarajevo, 8.12.2011. godine

## ZAPISNIK

### 22. sjednice Nezavisnog odbora kao nezavisnog tijela policijske strukture BiH

Sjednica je održana 8.12.2011., s početkom u 11 sati.

Sjednici su prisustvovali članovi Nezavisnog odbora: Žiko Krunić, Mato Jozić, Dragan Savić, Zijad Kadić, Stanko Nuić, Ljubomir Kuravica, Enes Obralića i Viktor Dadić.

Opravdano je odsustvovao prvi zamjenik predsjednika Bakir Dautbašić.

Osim članova, sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara i Senad Zlatar iz OHR-a, Zoran Brkić iz Sektora za odnose s javnošću Sekretarijata Parlamentarne skupštine BiH, Adna Teskeredžić, volonter u Parlamentarnoj skupštini BiH.

Sjednicu je sazvao Žiko Krunić, predsjednik Nezavisnog odbora. Konstatirao je da postoji kvorum za rad te otvorio sjednicu. Nezavisni odbor jednoglasno je usvojio sljedeći

## DNEVNI RED

1. Usvajanje Zapisnika 21. sjednice, održane 16.11.2011.;
2. Uvid u podatke iz kaznene evidencije za kandidate prijavljene na javni konkurs za provođenje procedure odabira kandidata za izbor direktora Državne agencije za istrage i zaštitu i dogovor o terminu održavanja intervjua s prijavljenim kandidatima;
3. Tekuća pitanja:
  - Izvještaj sa studijske posjete članova Nezavisnog odbora institucijama Sjeverne Irske.

### Ad.1. Usvajanje Zapisnika 21. sjednice, održane 16.11.2011.

Predsjednik Nezavisnog odbora Žiko Krunić otvorio je raspravu o ovoj tački dnevnog reda. Nije bilo rasprave.

Zapisnik 21. sjednice, održane 16.11.2011., usvojen je jednoglasno, bez primjedbi.

**Ad. 2. Uvid u podatke iz kaznene evidencije za kandidate prijavljene na javni konkurs za provođenje procedure odabira kandidata za izbor direktora Državne agencije za istrage i zaštitu i dogovor o terminu održavanja intervjua s prijavljenim kandidatima**

Predsjednik Nezavisnog odbora Žiko Krunić u uvodu je podsjetio članove Nezavisnog odbora da je, u skladu s javnim konkursom za provođenje procedure odabira kandidata za izbor direktora Državne agencije za istrage i zaštitu, bilo potrebno za sve kandidate po službenoj dužnosti pribaviti podatke iz kaznene evidencije o tome da li su osuđivani za krivična djela, sa izuzetkom krivičnih djela iz oblasti sigurnosti saobraćaja.

Članovi Nezavisnog odbora izvršili su uvid u podatke koje su dostavili: MUP Kantona Sarajevo-za kandidata Gorana Zupca, CJB Doboj za kandidata Novu Blagojevića, Policija Brčko Distrikta za kandidata Gorana Lujica i MUP Zeničko-dobojskog kantona za kandidata Radu Dostanića i konstatirali da nijedan prijavljeni kandidat nije evidentiran u kaznenoj evidenciji, te da svi ispunjavaju uslove da budu pozvani na intervju.

Nakon toga članovi Nezavisnog odbora dogovorili su se da termin održavanja intervjua bude 21. 12. 2011., kojem će prisustvovati svi članovi Nezavisnog odbora.

Član Odbora Zijad Kadić insistirao je da se u zapisnik unese konstatacija predsjednika Nezavisnog odbora da, ako ne budu prisutni svi članovi Nezavisnog odbora, intervju s kandidatima neće biti održan tog dana.

**Ad.3.Tekuća pitanja**

- **Izveštaj sa studijske posjete članova Nezavisnog odbora institucijama Sjeverne Irske**

Članovi Nezavisnog odbora jednoglasno su usvojili Izveštaj sa studijske posjete članova Nezavisnog odbora institucijama Sjeverne Irske.

Sjednica je završena u 12 sati.

Privremeni sekretar  
Nezavisnog odbora  
Alma Salkić-Mijić

Predsjednik  
Nezavisnog odbora  
Žiko Krunić